



2453

Broj: 07-04-05-18645/19
 Sarajevo, 13.08.2019. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
 -ovdje-

PREDMET: Odgovor na zastupničko pitanje, dostavlja se.

Na 8. Radnoj sjednici Skupštine Kantona Sarajevo, održanoj dana 14.05.2019. godine u okviru tačke Dnevnog reda "Poslanička/zastupnička pitanja, inicijative i odgovori", zastupnik Igor Stojanović postavio je zastupničko pitanje koje glasi:

Klub SDP-a je obaviješten da se divlja gradnja u okviru vodozaštitne zone izvorišta Sarajevsko polje nastavlja i dalje, te molim Vladu KS, Ministarstvo privrede, te kantonalnog vodnog inspektora koji prema Zakonu o vodama Kantona Sarajevo ("Sl. novine KS", broj 18/10 43/16) i to članovima 69. i 75. vode brigu o vodozaštitnoj zoni da nas obavijeste o stanju gradnje unutar vodozaštitne zone i poduzetim mjerama, a ministra privrede molim za USMENI ODGOVOR kakvo je stanje ova Vlada zatekla po ovom pitanju, koje je aktivnosti s ovim u vezi do sada poduzela, te koje aktivnosti planira sprovesti u budućnosti. Napominjem da je stanje alarmantno i da se hitne aktivnosti moraju poduzeti po ovom pitanju.

Odgovor:

Prostor vodozaštitne zone izvorišta Sarajevsko polje s pravnog aspekta zaštićen je "Odlukom o zaštiti izvorišta vode za piće u Sarajevskom polju („Službene novine Grada Sarajeva“, broj 2/87)" i iste se treba striktno pridržavati, a upravitelj vodozaštitnih zona KJKP "Vodovod i kanalizacija" d.o.o Sarajevo i nadležne inspekcije trebaju preduzimati sve mjere zaštite kako bi se zaštitio prostor, kvalitet i kvantitet vode u izvorištima.

Odluka iz 1987. godine o zaštiti izvorišta vode za piće u Sarajevskom polju svojim obuhvatom štiti izvorišta vode u Sokolovićima, Stupu i Bačevu-Konacima ali se trebaju poštovati, kontinuirano poboljšavati i obavezno provoditi mjere zaštite, putem upravitelja zona u ovom slučaju putem KJKP "Vodovod i kanalizacija" d.o.o Sarajevo, kojem su vodozaštitne zone mjesta obavljanja djelatnosti tj. mjesta izgrađenih vodnih objekata za zahvatanje vode. Također imamo obavezu informisati Vas da su granice obuhvata



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



postojeće važeće Odluke iz 1987. godine mnogo šire od granica koje se predlažu Privremenom Odlukom, zbog toga što su granice Privremene odluke određene na osnovu važećeg "Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine Federacije Bosne i Hercegovine“, broj: 88/12)", a važeći Pravilnik svojim odredbama u velikoj mjeri skraćuje zone sanitarne zaštite. Skraćenje zona samo po sebi predstavlja problem prilikom provođenja mjera zaštite te stvaranje ozbiljnih pretpostavki za trajnu uzurpaciju šticeenog područja te stvaranje osnova za promjenu namjene sada šticeenog vodozaštiteenog prostora u obuhvatu zona sanitarne zaštite. Stručna Komisija je imajući u vidu sve okolnosti i potrebe za vodom Kantona Sarajevo u svom Izvještaju o radu dala smjernice zaštite te ukazala pored ostalih problema i na taj problem.

Uzimajući u obzir metodologiju na osnovu koje se utvrđuju obuhvati granica zona sanitarne zaštite, na čiji obuhvat i veličinu direktno utiče količina vode koja se crpi te povećanjem crpljenja količina vode iz izvorišta shodno zakonima hidraulike povećava se i prostorni obuhvat granica. Poznato Vam je da su potrebe za vodom sve veće u Kantonu Sarajevo, a samim time i crpljena vode iz podzemnih izvorišta se povećavaju, što povećava obuhvat zona sanitarne zaštite.

Urbanističko-građevinske inspekcije općina i Kantona su nadležne za kontrolu zakonite i nezakonite gradnje unutar vodozaštiteenih zona na području Općine Ilidža, a vodna inspekcija je nadležna za kontrolu provođenja mjera zaštite izvorišta koje treba da provodi upravitelj zona u ovom slučaju KJKP "Vodovod i kanalizacija" d.o.o Sarajevo.

Nadležne općinske službe i ministarstva koja izdaju urbanističke saglasnosti i odobrenja za građenje, kao i oni organi koji planiraju prostor i usvajaju prostorno-plansku i provedbeno plansku dokumentaciju su dužni poštovati granice obuhvata i mjere zaštite definirane u navedenoj Odluci.

Nadležni inspeksijski organi po službenoj dužnosti su dužni preduzimati sve neophodne mjere i zakonom data ovlaštenja u cilju zaštite granica zona i kvaliteta vode u izvorištima u Sarajevskom polju.

Općinske službe za urbanizam, kantonalna i federalna ministarstva za prostorno uređenje, izdaju urbanističke saglasnosti i odobrenja za građenje i odgovorni su za taj segment kao i za izradu planske dokumentacije tj. regulacionih planova, urbanističkih projekata, na osnovu kojih se vrši planiranje prostora i izdaju odobrenja za građenje.

MINISTAR
[Redacted]
mr. sci. Haris Bašić



Dostavljeno:

- Skupštini Kantona Sarajevo,
- Vladi Kantona Sarajevo,
- a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

